



Politička organizacija građana "Naša stranka"  
Branilaca Sarajeva 5/1, 71 000 Sarajevo  
Telefon: 033 408 888; Fax: 033 408 881  
E-mail: [nasastranka@nasastranka.ba](mailto:nasastranka@nasastranka.ba)  
Web: [www.nasastranka.ba](http://www.nasastranka.ba)

Vibor Handžić

Delegat u Domu naroda Parlamenta Federacije Bosne i Hercegovine  
Sarajevo, 16.07.2020.

**Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO ISPRAVLJENO**

Primljeno:	29-09-2020		
Org. jed.	Broj	Priloga	Vrijednost
02	- 02-	1654	/20 X7

**Dostaviti:**  
Bosna i Hercegovina  
Federacija Bosna i Hercegovina  
Parlament Federacije BiH  
Dom naroda Federacije BiH  
n/r Tomislav Martinović, predsjedavajući

**PREDMET: PRIJEDLOG DEKLARACIJE O ZAŠTITI RIJEKA U FEDERACIJI BOSNE I HERCEGOVINE**

Na osnovu članova 138, 140. i 203. Poslovnika o radu Doma naroda Parlamenta Federacije Bosne i Hercegovine (Hercegovine („Službene novine Federacije BiH”, br. 27/03.), delegatima i delegatkinjama u Domu naroda Parlamenta FBIH na usvajanje upućujem

**PRIJEDLOG DEKLARACIJE O ZAŠTITI RIJEKA U FEDERACIJI  
BOSNE I HERCEGOVINE**

- Uvažavajući principe o održivom razvoju koji su usvojeni na Konferenciji iz Rio de Ženeira 1992. godine, te principe Konvencije o biološkoj raznovrsnosti i Aichi ciljeve;
- Polazeći od toga da je Arhuska konvencija pravni osnov za primjenu elemenata participatorne demokratije i da su sve zemlje Zapadnog Balkana usvojile zakone kojima su ova prava postala dio nacionalnih propisa u oblasti zaštite životne sredine i upravljanja vodnim resursima;
- Svjesni da su efekti klimatskih promjena evidentni na prostoru Federacije BiH, kao i da su vode i ekosistemi koji su zavisni o vodama među najvažnijim ali i najosjetljivijim prirodnim resursima;
- Uočivši da su planovi i izdate koncesije za korištenje vodnih resursa Federacije BiH u svrhu proizvodnje električne energije, kao i drugi vodopravni akti i ekološke dozvole, doneseni bez adekvatnog procesa učešća javnosti u donošenju takvih odluka;
- Konstatujući da je najveći broj studija o procjeni uticaja na životnu sredinu urađen veoma nezadovoljavajuće iz nehata ili smisljeno prema interesima privatnih investitora;

- Uočivši da su propisi u sferi ekološki prihvatljivog protoka rijeka nepotpuni ili se neprimjenjuju adekvatno u skladu sa principima Okvirne direktive o vodama EU, uzrokujući velike posljedice po vodna tijela, okolni biodiverzitet i lokalne zajednice;
- Saglasni da rijeke i njihovi kanjoni i doline predstavljaju značajan prirodni resurs i potencijal za održivi i odgovorni razvoj lokalnih zajednica;
- Polazeći od toga da današnje generacije imaju obavezu da, prilikom donošenja odlukakoje se tiču budućnosti, pretpostave i uvaže interes i potrebe budućih generacija;
- Svjesni svoje odgovornosti, izražavaju spremnost i dobru volju da u punom kapacitetu partnerski sarađuju sa donosiocima odluka na provjeri i poboljšavanju strategije/planova/programa/zakona koji imaju ili mogu imati posljedice na životnu sredinu, uključujući procese praćenja stanja i primjene novih javnih politika u oblasti zaštite životne sredine;

Mi, izabrani predstavnici građana i građanki Federacije Bosne i Hercegovine, predani zaštiti rijeka i odgovornog i održivog upravljanja vodnim resursima, usvajamo:

## **DEKLARACIJU O ZAŠTITI RIJEKA U FEDERACIJI BOSNE I HERCEGOVINE**

Hidroenergija se predstavlja kao čista energija, ali izgradnja i korištenje hidroelektrana dovodi do trajnog narušavanja životne sredine/okoliša, te uništavanja ekosistema koji zavise od rijeka. Štetu po životnu sredinu/okoliš koju nanose male hidroelektrane plaćaju potrošači električne energije preko naknade za obnovljive izvore energije na svojim računima za električnu energiju, a samo smanjenjem gubitaka na prenosnoj mreži između proizvođača i potrošača isključuje se potreba za dodatnim iskorišćavanjem prirodnih resursa.

U tom smislu mi, predstavnici građana i građanki Federacije Bosne i Hercegovine aktivno i predano ćemo raditi na:

- Osiguranju da se obnove postupci procjene uticaja na životnu sredinu/okoliš, te da strateške procjene na životnu sredinu/okoliš moraju biti organizovani na način kako je to propisano u nacionalnim propisima i SEA direktivi Evropske unije;
- Proglašenju moratorija na izgradnju malih hidroelektrana i obustavi svih dalnjih radova/projekata na našim rijekama dok se ne izvrši kompletna revizija postupaka usvajanja strategija/planova/programa/zakona i drugih dokumenata politika na svim nivoima donošenja odluka;
- Ukidanju svake vrste javnih podsticaja za proizvodnju energije iz malih hidroelektrana te, uz podršku Evropske unije, podsticajima za ulaganja u istinske obnovljive i održive izvore energije planiranjem zadovoljenja energetskih potreba na osnovu široke javne rasprave s obavezujućim zaključcima, posebno podstičući građansku energiju kroz energetske zadruge;
- Obezbeđivanju dosljedne primjene i poštovanju propisa, uključivši i mjere kaznene politike za prekršioce propisa;

- Započinjanju i ubrzavanju procesa primjene standarda Evropske unije, posebno onih koji su propisani Direktivom o staništima, Direktivom o pticama, Okvirnom direktivom o vodama, Direktivama o procjeni uticaja na životnu sredinu/okoliš i strateškoj procjeni na životnu sredinu/okoliš, te poboljšaju kapacitete sudija u vezi sa pravnom stečevinom EU u oblasti životne sredine/okoliša;
- Obezbeđivanju adekvatnih uslova za učešće javnosti od ranih faza u postupcima donošenja odluka u procesima bitnim za rijeke i životnu sredinu/okoliš i da mišljenje javnosti uzmu u obzir sa dužnom pažnjom;
- Proširivanju postojećih i uspostavi novih zaštićenih područja, uključujući i područja vodnih tijela namijenjenih za zaštitu prirodnih vrsta i osjetljivih staništa, te povećanju mreže zaštićenih područja i ekoloških koridora;
- Usvajanju, primjeni i obezbjeđivanju mehanizama izvršenja propisa o ekološki prihvatljivom protoku rijeka, sa metodologijom određivanja ovog protoka baziranoj na naučnoj osnovi, na uspostavljanju sistema automatskog praćenja stanja vodotoka i osiguranju da podaci praćenja budu dostupni u realnom vremenu kao preduslov adekvatnijem inspekcijskom i građanskom nadzoru;
- Podršci sportskih aktivnosti, tradicionalnih djelatnosti i turizma u kontekstu održivog razvoja, sa ciljem otvaranja novih radnih mjesta i obezbjeđenja prihoda za zajednicu;
- Njegovanju i podsticanju pozitivnog odnosa prema rijekama i okolnim ekosistemima kroz obrazovanje djece i javnosti uopšte.

S poštovanjem



**Vibor Handžić**